

A PENSANDO DI KRISTU. 2 Korintionan 10:5

- ❖ Nos mester trese “tur pensamentu den koutiverio na e obedensia di Kristu,” asina ku nos por evitá hábitonan mundano ku ta desviá nos for di pensa di e bèrdat.
- ❖ Filipensenan 4:8 ta yuda nos komprendé kua kosnan nos mester pensa di dje.
- ❖ Nos fokus mester ta Kristu. Nos mester someté na djÉ tur dia, i E lo alinia nos mente ku esun di djÉ. Ora ku nos pensa di Su amor, nos lo komprendé e bèrdadero balor di kosnan spiritual riba esunnan mundano.

B ESTUDIO DI BEIBEL. Juan 5:39.

- ❖ Nos por konose Kristu dor di Su revelashon den Dios Su palabra.
- ❖ Mundanalidat ta inkluí hañando kosnan pa nos. Esei ta e opuesto(kontrali) na loke Hesus a siña den Su Palabra.

C ORASHON. Judas 1:20.

- ❖ Orashon ta esensial pa nos komunion ku Kristu. No tin ningun komunion òf amistad sin konbersashon. Nos mester papia ku Dios i skuch’É.
- ❖ Kua ta e ingredientenan básiko di orashon?
 - Hasi orashon ku fe (Hebreonan 11:6).
 - Orashon Kontinuo (1 Tessalonisensenan 5:17).
 - Hasi orashon konforme Dios Su boluntat (1 Juan 5:14).

D BUSKANDO SABIDURIA. 1 Korintionan 3:19.

- ❖ Tin hendenan sabí den e mundu aki, i Salomon tabata e persona di mas sabí riba Tera (2 Kronikanan. 1:12). Sinembargo, Salomon kasi a pèrdè bida etèrno apesar di esei.
- ❖ Ki sabiduria Dios kier pa nos atkerí(haña)?
 - E temor di Dios (Job 28:28).
 - Opservando e Lei (Deuteronomio 4:6).
- ❖ Nos tin mester di e tipo di sabiduria ei pa komprendé korektamente e peligernan di mundanalidat.

E E TRABOU DI E SPIRITU SANTU. 1 Juan 4:5-6.

- ❖ Si nos ta guiá dor di e Spiritu Santu, E ta siña nos pa distingí bèrdat for di kosnan mundano falsu.
- ❖ E lo guia nos den tur bèrdat, E lo muestra nos Hesus i E lo yuda nos pa tuma e mihó desishonnan den e mundu aki.
- ❖ Nos lo no wòrdu manehá dor di emoshonnan temporal. Nos lo biba komo representantenan di Dios den e mundu aki.
- ❖ E Spiritu Santu ta duna nos e poder pa vense e mundu aki su tentashon i su “karisma.”